



Synfocity = 441

6th June, 2013

mail us at : mzsynfo@gmail.com; mizoramsynod@gmail.com - Phone - 2314648

□ SEC vawi 245-na

June 4 - 6 chhung hian Mizorama Kohhran Pawl lian ber Presbyterian Church Synod Executive Committee chu a vawi 245-na atan Synod Office-a J.M. Lloyd Hall-ah Rev. Lalramliana Pachua, Synod Moderator kaihhrainain a thu a, a ni hmasa berah hian member 143 an kal a ni.

Tun tumah hian thu ngaihtuah tur pawimawh tak tak 62 zet chhawp chhuah a ni a, Board leh Committee hrang hrang atanga thu lutte bakah Synod Inkhawmpui thu passed kal zelte an ni hlawm.

Synod Secretary Rev. Lalrinmawian reports pein Synod hmalakna pawimawh tar lan awm te a tar lang a, heng zingah hian Synod Hospital-a Coordinator post dah thar luah hmasa bertu atan Synod Office-a Superintendent hna chelh mektu Upa F. Lalsangliana dah a nih thu leh, Superintendent charge la turin Dr. Robert S. Halliday ruat a nih thu te, kumin March thla atanga May thla thlengin tanpui ngaite tanpuina atan cheng nuai sawmpahnih singruk sangnga leh zali hman ral tawh a nih thu te, April ni 7-a Synod Mission Board hnuai thawk turin missionary thar 19 tirh chhuah an nih thu te chu a langsar zual an ni.

Thu ngaihtuah tur chhawp chhuah zingah hian Auditor-te sum en dikna reports thlir ho te, Synod sum dinhmun thlir ho te, Synod Pay Commission 2013 Preliminary Reports thlir ho te, Synod Office-a Superintendent hna chelhtu tur ruat te, Leilung leh nungcha humhalh thu te, Hlamzuih tibo zawnga kawng zawn te, Tunlai thiamna hmanga nau pai leh fa neih chungchang inkaihhraina Dan siam chungchang te, Rinawmna inzirtir chungchang te, Bangalore Mizo Kohhran kalphung ruahman te, Synod Revival inkaihhraina enthat te, Falkawn Referral Hospital-a Chaplain dah thu te, KTP Inkaihhraina Dan en that te, LIKKBK leh Chhim lama pawl dangte nena thawhona chungchang te, SHSS-a lecturer post 6 contract-a hnawh khah te leh Bible Society of India leh Kohhranho thawh ho dan en that te chu a langsar zual an ni.

□ NEICC-in tuarpaina thilpek hlan

June 5 (Nilaini) zing khan North East India Christian Council (Hqrs, Shillong) chuan Laipuitlang chhiat tawkte tanpuina thilpek Rs. 10,000/- Laipuitlang Relief Committee hnenah an hlan. Tanpuina thilpek hi Rev. Dr. J. Houplien, NEICC President-in a hlan a, Rev. Zosangliana Colney, Vice President-in a tawiam a ni.

□ Synod Bookroom Book Fair

June 3 - 7 chhung hian Synod Bookroom leh Holy Mission School, Bungkawn chuan Bungkawn Area chhunga Damveng Tangrual Hall-ah Book Fair an nei mek a, Synod Bookroom-a bungraw hrang hrang:- lekhhabu, Stationery items leh School Naupang mamawhte 10% discount-a hralh a ni. School naupang mai ni lovin, vengchhung mipuite leh helai hmun palflang ten an hlut hle. Hetiang hun hmang tur hian School thuneitute leh Synod Bookroom lama hotute inbiakrem naa neih mai thin a ni.

□ Music

◆ June 4 (Nilaini) khan Synod School of Music hnuai Tonic & Staff Exam result tih chhuah a ni a, tun tuma exam te hi March - May session a mi te an ni. Result tlangpui hetiang a ni :

Exam zawng zawng	: 81	Passed	: 13
Honours	: 4	Supplement	: 16
First	: 23	Fail	: 5
Second	: 20		

Heng exam zinga mi 14 te hi Bawngkawn Kohhran Music School atanga rawn exam te an ni.

Synod School of Music hnuai hian June - August, 2013 chhunga Tonic & Staff zir tur mi 90 ten June 5 (Nilaini) zing dar 6:30 atang khan class an nei tan leh tawh a. Mizoram chhung mai bakah state pawn lam atangin pawhin Synod School of Music-ah hian zirlai an awm thin a ni.

◆ June 11 - 13 hian Zobawk Bial KTP-ten Solfa Training an nei dawn a, training neihpui tur hian Pu Lalromawia, Music Instructor a kal ang.

◆ Nagaland Conservatory of Music-ah B.Mus zir duh tan mahni intumin zir theih a ni a. Hrechiang duh tan Synod Music Department-ah zawh chian theih a ni.

□ MSSU

◆ June 8 (Inrinni) hian Keifang Police Veng, Ruallung leh Sihfa North Kohhranah Sunday School Zirtirtu Training nieh a ni dawn a, hemi neihpui tur hian T.Upa Lalthahluna Ralte, MSSU Asst. Coordinator; Upa K. Vanlalngaha, Ramhlun East; Upa B. Lalhmunliana, Bethlehem Venglai leh Pu Lalthanchhunga, Bungkawn (MSSU Trainers) te an kal ang.

◆ June 8 (Inrinni) hian Zemabawk West Kohhranah Sunday School Zirtirtu Training nieh a ni dawn a, training neihpui tur hian Upa C. Lalbiaksanga, Zemabawk North leh Upa Zohmangaiha, Zemabawk Vengthar (MSSU Trainers) te an kal ang.

□ Kohhran Hmeichhia

◆ June 7 - 9 hian Tlabung Zodin Bial huapin Leadership Training & Kristian Chhungkaw Campaign neih a ni dawn a, hemi neihpui tur hian Central Kohhran Hmeichhe hruiatu Pi Zohmachhuani, Pi P.C. Nuzawni leh Pi Liankimi (Committee Members) te an kal ang.

◆ June 7 - 9 hian Tlabung Chawnpui Bial huapin Leadership Training & Kristian Chhungkaw Campaign neih a ni dawn a, hemi neihpui tur hian Central Kohhran Hmeichhe hruiatu Pi C. Lalhmangaihi (Chairman), Pi Lalflanhangih leh Pi K. Vanlallawmi (Committee Members) te an kal ang.

◆ June 7 - 9 hian Thingdawl Bial huapin Bualpui Kohhranah Leadership Training & Kristian Chhungkaw Campaign neih a ni dawn a, hemi neihpui tur hian Central Kohhran Hmeichhe hruiatu Pi Rochuangkimi (Vice Chairman), Pi Rochhungih leh Pi R. Rengkhumih (Committee Members) te an kal ang.

◆ June 7 - 9 hian Kawnpui Bial huapin Leadership Training & Kristian Chhungkaw Campaign neih a ni dawn a, hemi neihpui tur hian Central Kohhran Hmeichhe hruiatu Pi Rosangpui, Pi H. Kapthangih leh Pi C. Zopari (Committee Members) te an kal ang.

◆ June 7 - 9 hian Airfield Vengthar Bial huapin Leadership Training neih a ni dawn a, hemi neihpui tur hian Central Kohhran Hmeichhe hruiatu Pi Parchhuaki leh Pi Lalbiakengi (Committee Members) te an kal ang.

Contd,...

- **Kristian Thalai Pawl**
 - ◆ Presbyterian Youth Fellowship (PYF) Biennial Conference chu Fiangpui Presbyterian Church, Halflong-ah June 14 - 16 chung hian neih tur a ni a. Mizoram atanga palaite leh Synod Choir chuan June 13 hian Fiangpui panin Aizawl an chhuausan ang. PYF hruaitu thlan thar kum a ni a, Mizoram Unit atangin Tv. R. Lalruatkima leh Tv. R. Lalramnghaka te nominate an ni.
 - ◆ June 7 - 9 hian Tawi Presbytery KTP Meet hmanpuiin CKTP hruaitu Pu Saizamliama Sailo leh Pu Samuel Laldingliana te Khumtung-ah an kal ang.
 - ◆ June 8 - 9 hian Zote Bial Leadership Training hmanpuiin Tual Upa Dr. Samuel Vanlalhlanga (Asst. Leader) leh Dr. Julie Remsangpuii (Com. member) te an kal ang.
 - ◆ June 7 (Zirtawpni) hian ATC Doctoral Study Centre hawnaah Mizoram Synod Choir ten hla an rem ang. Synod Choir hian Tawi Presbytery KTP Meet (June 8-9) Khumtung-ah an hmanpui bawk ang.
- **Hruaina Eng FM Radio & TV Programme**
 - ◆ **JUNE 7 (FM Zoawi Aizawl @ 7:30 p.m.) :**
Solo : R. Lalremruata - Arei lo, **Choir :** Sihphir Kohhran Zaipawl - Lungngaihna, **Thuchah :** Upa Bonny Lalrindika - Tunlai economy leh kohhran nun, **Choir :** Electric Veng Bial Zaipawl - Thutiam ka ring, **Solo :** Lalrinawma - Ni tlakna piah ah
 - ◆ **JUNE 7 (FM Lunglei @ 7:30 p.m.) :**
Choir : Sihphir Kohhran Zaipawl - Lungngaihna, **Solo/Group :** R. Lalremruata - Arei lo, Lalhmachhuana - Hnehna hla, **News tawi, Thuchah :** Lalhruaitluanga Ralte - Mizoram Zirna in tan dan
 - ◆ **JUNE 9 (TV Programme @ 3:00 p.m.) :**
Group : Zaia Faktute - Thlarau lo kal la, **Sermon :** P.C. Vanlalnghaki - I lam kan lo hawi mai zawk a ni, **Choir :** Chanmari Bial Zaipawl - I van ina rawngbawltu, **Discussion :** Career Chungchang, **Solo :** Lalruotmawi - Ka duh ber Lalpa, **Pawnto :** PC Girls School Group : Zaia Faktute - Tawngtaina
- **Susamachar Prasaran Programme**
JUNE 7 (Pathianni) 5:00 pm. Hindi Gospel Programme (Susamachar Prasaran) :
Group/Choir/Solo : Kanan Veng Masihi Sangati Zaipawl, **Group/Choir/Solo :** z Himali Kohhran Zaipawl - Isu Mash tere Jeisa Koi Nahi, **Sermon :** Vanlalzuii - Papomoi jibon theke uddar paua, **Group/Choir/Solo :** Luangmual Vengthlang - Tumhara Mann Biakul Na Ho, **Group/Choir/Solo :** Mission Veng Masihi Sangati - Rahi
- **Moderator Programme**
Synod Moderator Rev. Lalramliana Pachuau chuan tunkar tawpah hetiang hian hun a hmang ang :
 - ◆ June 7 (Zirtawpni) - Inauguration of Doctoral Study Centre, ATC, Durtlang
 - ◆ June 9 (Pathianni) Zan - Tuikhuahtlang Kohhran-ah thuchah a sawi ang

AIZAWL THEOLOGICAL COLLEGE DOCTORAL CENTER INAUGURAL PROGRAM

Date : June 7 (Friday) 2013
Time : 1:00 pm
Place : ATC Chapel

Chairman	:	Rev.Lalramliana Pachuau, Moderator,MPC Synod
Chief Guest	:	Pu Lal Thanhawla, Chief Minister Mizoram
Guest of Honor	:	Rev.Dr.H.Vanlalauva, Dean & Director of Research/SATHRI,Serampore University
Hymn	:	Aw Lalpa, I malsawmna hlu
Report	:	Rev. Prof. C. Lalhlira, P.G. Dean ATC
Inauguration	:	Moderator
Special Number	:	ATC Male Voice
Address	:	Chief Guest
Paper	:	Guest of Honour
Choir	:	Synod Choir
Felicitations	:	Prof. R. Lalthantluanga, Vice Chancellor, MZU
Solo	:	Ms. Laldusaki
Vote of thanks	:	Rev. Prof. Vanlalchhuanawma, Principal, ATC
Hymn	:	Aw nang, kan lal kan Pathian
Benediction	:	Rev. Lalsuithanga, Executive Secretary i/c Theological Education, MPC Synod

NEICORD HNARUAK

North East India Committee on Relief & Development (NEICORD) hnuaiiah Executive Director hna a ruak a, MSW/MBA tan dil theih a ni. He hna hi kum 5 term a ni a, renew theih a ni ang. June 15, 2013 thleng dilna thehluh theih a ni a, hrechiang duh tan Synod Office, Mission Vengah zawhfiah theih a ni.

